

**Talamdan
sa Mga Mensahe sa Full-time Training
sa Spring Term sa 2022**

**LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA**

Mensahe 3

Ang Unod ug ang Espiritu

Basahong Kasulatan: Rom. 7:18, 25; 8:3-9, 12-13

I. Dunay duha ka mahinungdanon kaayong pamulong sa Roma 7 ug 8: *ang unod ug ang espiritu*—Rom. 7:18; 8:2-3, 12-13:

- A. Ang mga sekreto sa tinuod nga kasinatian sa kinabuhi mao ang atong unod ug ang atong espiritu—7:25; 8:4-9.
- B. Sa negatibong bahin, kinahanglan makaila ta sa unod; sa positibong bahin, kinahanglan makasinati ta sa atong espiritu, nga nasagol sa diosnong Espiritu—8:8, 16; 1 Cor. 6:17.

II. Kinahanglan makita nato unsa ang unod:

- A. Ang kinadak-ang tiglaglag sa Cristohanong kinabuhi mao ang unod—1 Ped. 2:11.
- B. Ang unod mao ang lawas nga nadunot, nahugawan, ug nausab ang kinaiya—Rom. 6:6; 7:14:
 - 1. Sa sinugdan putli ang lawas sa tawo, apan tungod sa pagkahulog sa tawo gipasulod ni Satanas ang iyang kaugalingon sa tawo, ug nahimong unod ang lawas sa tawo—Gen. 3:6; Rom. 7:18a.
 - 2. Ang atong lawas mao “ang lawas sa sala” (6:6) ug “ang lawas ning kamatayon” (7:24); aktibo kaayo ang lawas sa sala ug kusganon kaayong magpakasala batok sa Dios, ug maluyahon ang lawas ning kamatayon ug walay kusog nga mobuhat sa pagpahimuot sa Dios (v. 18).
- C. Nagpasabot ang unod sa kinatibuk-an sa hulog nga daang tawo, sa tibuok hulog nga pagkatawo nato; hingpit gyong unod ang tawo kay gidominahan man sa hulog nga unod ang hulog nga tawo karon—Gen. 6:3; Rom. 7:18a; Gal. 2:16:
 - 1. Ang unod mao ang pagkinabuhi ug ang pagpadayag sa daang tawo—Rom. 6:6.
 - 2. Kaaway sa Dios ang unod, wala kini magpasakop sa kasugoan sa Dios, ug dili gyod makapasakop sa kasugoan sa Dios, ug dili gyod makapahimuot sa Dios ang unod—8:7-8.
- D. Sama ni Satanas mismo, batok sa pagbulot-an sa Dios ang unod—Isa. 14:12-14:
 - 1. Nisupil sa Dios ug sa Iyang trono ang unod.
 - 2. Kaaway sa pagbulot-an sa Dios ang atong unod ug nisupil kini sa pagdumala sa pangagamhanan sa Dios—Rom. 8:7:
 - a. Kaaway sa pagbulot-an sa Dios ang tanang aspeto sa atong unod, maayo ba kini o daotan.
 - b. Batok sa trono sa Dios ang bisan unsang iya sa unod; gamiton kini ni Satanas, sa malalangon, nga kaaway sa Dios, sa pag-ulang sa tuyo sa Dios—2 Cor. 2:11.
- E. Ang unod maoy kampo sa kaaway sa Dios ug ang kinadak-an base sa buhat niya—Gal. 5:19-21:

1. Sa tibuok uniberso ang bugtong-talagsaong kaaway sa Dios, sa praktikal nga kahulogan, dili man si Satanas kondili ang unod—Rom. 8:7.
 2. Bug-os gyong nausa ni Satanas ang unod, ang hulog nga tawo, ug gigamit kini ni Satanas sa pagpakig-away batok sa Dios—Mat. 16:23; Gal. 5:17.
 3. Ang unod maoy numero uno sa mga kaaway nato, ang nanguna sa sala, sa kalibotan, ug ni Satanas sa pagpakig-away batok nato—Rom. 8:3.
- F. Ang unod maoy “tigomanan” ug ang dapit sa sala, sa kamatayon, ug ni Satanas; dili na gyod matabang ug dili gyod mapamaayo ang unod—Rom. 7:17-18, 21; itandi sa Juan 17:15.

III. Sa kaalam ug pagkamagbubuot sa Dios gigamit Niya ang atong unod sa pagpugos nato nga mobalik sa atong espiritu—Gal. 5:17; Rom. 8:7:

- A. Wala ngani ta sa espiritu, naa gyod ta sa unod; wala nay ikatulong dapit nga mahimutanghan nato; gamayng hulad sa tanaman sa Eden ang magtutuo—naay Dios nga kahoy sa kinabuhi diha sa iyang espiritu, Satanas nga kahoy sa kahibalo diha sa iyang unod, ug ang iyang hunahuna sa tungatunga—v. 6.
- B. Kon sa balaod pa, gihukman na si Satanas ug ang atong unod sa makausa ug hangtod na sa dayon didto sa krus (v. 3; Juan 3:14; Heb. 2:14; 2 Cor. 5:21), apan gipapabilin pa ang Dios ang unod kanato aron matabangan ta ug mapugos nga modangop ni Cristo nga naa sa atong espiritu ug dili na mosalig pa sa unod (Fil. 3:3).
- C. Kon wala pa ang pagtabang sa unod, dili unta ta sama kadesperado nga makabaton sa Ginoo o ipaumol ba Siya kanato—Rom. 8:6, 13.
- D. Kon magtinguha ta sa Ginoo bisan ang masal-anong dapit sa unod makatabang man nato nga makabaton sa Ginoo; kay kanunay man gyod tang mapakyas, desperado tang mobalik sa espiritu, ug sa ingon niana labi pa natong mabatonan ang Espiritu—itandi si Exo. 23:23, 29-30; Huk. 2:21-3:4.

IV. Isip mga magtutuo ni Cristo ug mga anak sa Dios, tagdon gyod nato ang usa ka butang—maggawi uyon sa espiritu—Rom. 8:4:

- A. Sa Roma 8:4 nagpasabot ang *espiritu* ning nasagol nga espiritu, nga mao ang Espiritu sa Dios ug ang atong espiritu sab.
- B. Ang mga naggawi uyon sa nasagol nga espiritu nagbuhat man sa tanan pinaagi sa espiritu ug dili sa kaugalingon nilang kusog—Fil. 3:3; Zac. 4:6:
 1. Kon maggawi ta uyon sa espiritu, dili lang nga magbuhat ta sa makapahimuot sa Dios uyon sa Iyang kabubut-on; buhaton sab nato ang gustong ipabuhat sa Dios kanato pinaagi sa Dios mismo, nga mao ang Espiritu nga naa sa atong espiritu—Rom. 8:4, 16.
 2. Maggawi ngani ta uyon sa nasagol nga espiritu, magkinabuhi si Cristo sa sulod nato ug ikinabuhi nato Siya kay naa man Siya sa atong espiritu—Fil. 1:19-21a.
- C. Malangkobon-sa-tanan ang paggawi uyon sa nasagol nga espiritu; ang paggawi uyon sa nasagol nga espiritu pagkinabuhi, paglihok, pagbuhat, pagbatasan, pagpaanaa sa atong pagkatawo, ug pagbuhat man sa tanan diha sa nasagol nga espiritu—Gal. 5:16; 25.
- D. Sa kinataposan, usa ra ka butang ang gipangayo sa Biblia kanato—nga maggawi ta uyon sa nasagol nga espiritu—Rom. 8: 4.
- E. Ang labing matahom nga butang sa Biblia mao nga nasagol sa atong espiritu ang Espiritu sa Dios ug nga maggawi gyod ta uyon nianang nasagol nga espiritu—1 Cor. 6:17.
- F. Ang paggawi uyon sa espiritu pagpapuno ug pagpasuop man ni Cristo kanato hangtod matuhopan Niya ang tibuok natong pagkatawo ug sa ingon niana mapadayag Siya pinaagi nato—Efe. 3:16-19.

- G. Ang pagpuy-anay sa Juan 15:4-5 mao man ang pagbatasan nga ma-usa ka espiritu sa Ginoo ug paggawi uyon sa espiritu.
- H. Maggawi ngani ta uyon sa espiritu, pas-anon nato ang krus diha-dayon—Mat. 16:24.
 - I. Tanang butang nga mahitabo nato mosulay man kon naggawi ba ta uyon sa espiritu o nagkinabuhi ba diha sa unod—Rom. 8:4-6.
- J. Labi tang maggawi uyon sa nasagol nga espiritu, labi sab tang magpabilin diha sa pagpaambit sa Tulo-usang Dios—vv. 6, 10-11.
- K. Ang paggawi uyon sa espiritu makapabaton man sa nahikay nga Tulo-usang Dios sa tanang luna sa sulod nato aron maokupahan ta Niya ug mapuno ug masuropan Niya, aron hingpit gyod tang mausa Niya ug mahimong hingpit nga pagpadayag Niya—Efe. 3:16-19.
- L. Labi tang maggawi uyon sa nasagol nga espiritu, labi sab tang magpabilin diha sa pagpaambit sa Tulo-usang Dios—vv. 10, 6, 11.
- M. Kon maggawi ta uyon sa nasagol nga espiritu, mahimo tang mga anak sa Dios sa hingpit gyod, ug kay mga anak man mahimo tang mga bahin sa Lawas ni Cristo, nga magkinabuhi diha sa iglesiahanong kinabuhi, sa gingharian sa Dios— Rom. 8:14; 12:4-5; 14:17.